

## GJENDJA ME GRIPIN NË REPUBLIKËN E MAQEDONISË SË VERIUT, SEZONI 2024/2025 (java e tetë, deri më 23.02.2025)

### TË DHËNA JAVORE


#### Mbikëqyrja epidemiologjike

Gjatë javës së tetë të vitit 2025 (nga 17-23.02.2025) në Republikën e Maqedonisë së Veriut janë raportuar 3.035 ( $I=165,2/100.000$ ) raste të të prekurve nga gripi/sëmundjet e ngjashme me gripin, për 11,3% më shumë se javën e kaluar.

Krahasuar me javën e tetë të vitit të kaluar (820) numri është rritur për 3,7 herë, ndërsa sa i përket modelit për 14 sezonet e fundit (2.417) është regjistruar një rritje prej 25,6%.

Incidenca e aktivitetit sezonal të virusit të gripit ( $I=92,52/100.000$ ) është mbi pragun sezonal, pra është tejkaluar pragu dhe kemi hyrë në sezonin e gripit (Grafiku 1).

Grafiku 1. Niveli i intensitetit dhe shpërndarja javore e të sëmurëve me grip/ sëmundje të ngjashme me gripin sipas lakores epidemike të pritur 2010-2024, sezoni 2023/2024 dhe sezoni 2024/2025




Во однос на возрасната дистрибуција, 1.697 лица се на возраст од 15-64 години, 712 кај деца на возраст од 5-14 години, 375 се регистрирани кај деца на возраст од 0-4 години и 251 кај лица на возраст над 65 години. Највисока инциденца ( $388,5/100.000$ ) се регистрира кај децата на возраст од 0-4 години, а кај децата од 5-14 години инциденцата изнесува  $331,4/100.00$ .

Të sëmurët e kësaj jave janë regjistruar në 28 QSHP/NJR : Shkup – 620, Kumanovë – 374, Manastir – 306, Tetovë – 176, Strumicë – 174, Kavadar – 143, Shtip – 137, Veles – 130, Gostivar – 126, Debar – 119, Sveti Nikole - 108, ndërsa në të tjerat numri është  $\leq 100$ .

Në 3 njësi raportimi është regjistruar aktivitet shumë i ulët i virusit të gripit, në 3 sezonal, në 10 aktivitet mesatar, në 7 i lartë, ndërsa në 5 aktivitet shumë i lartë i gripit (hartogrami 1).

Hartogrami 1. Niveli i aktivitetit të virusit të gripit sipas incidencës në 100.000 banorë, java e tetë, 2025



Gjatë kësaj jave është raportuar një rast i vdekjes si pasojë e gripit. Bëhet fjalë për një person në moshë 78 vjet nga Shkupi, i shtruar në Klinikën e pulmologjisë, me komorbiditete, i pavaksinuar me vaksinë kundër gripit. Te personi i ndjerë është vërtetuar Influenza A(H3).

#### MBIKËQYRJA SENTINEL NDAJ SARI

Nga të gjitha vendet sentinel të cilat marrin pjesë, gjatë javës së tetë janë raportuar gjithsej 76 raste me SARI. Numri më i madh i rasteve me SARI (n=34; 44,7%) janë raportuar nga Klinika për sëmundje të fëmijëve - Shkup. Për sa i përket shpërndarjes sipas moshës, numri më i madh i rasteve me SARI (n=49; 64,5%) është regjistruar tek grupmosha 0-4 vjet.

Këtë javë, numri i përgjithshëm i pranimeve në vendet sentinel është 224, 1 është shtuar në kujdes intensiv. Nga të gjitha pranimet, 33,9% janë si pasojë e SARI. Ngarkesë më e lartë është regjistruar tek fëmijët nga 0-4 vjet.

#### MBIKËQYRJA VIROLOGJIKE (rutinore + SARI)

Në javën e tetë, në laboratorin e virologjisë në ISHPRMV kanë arritur 94 materiale nga institucionet shëndetësore për testim për viruse respiratore nga mbikëqyrja rutinore dhe SARI.

Janë regjistruar 30 raste pozitive me grip - 9 Influenza A(H3), 4 Influenza A(H1)pdm09, në 1 Influenza A e pasubtipizuar, 16 Influenza B/Victoria dhe një i pasubtipizuar.

Janë regjistruar 9 raste me RSV, në 7 RSV-A dhe në 2 RSV-B.

#### **TË DHËNA KUMULATIVE**

##### Mbikëqyrja epidemiologjike

Në sezonin 2024/2025 numri i përgjithshëm i rasteve me grip/sëmundje të ngjashme me gripin është 17.375 (I=946,0/100.000).

Krahasuar me periudhën e njëjtë të sezonit të kaluar (n=12.741), numri i rasteve të regjistruara ka shënuar një rritje prej 36,4%, ndërsa krahasuar me modelin për 14 vjetët e fundit (n=15.647) është regjistruar një rritje prej 12,3%.

Të sëmurë janë raportuar nga gjithsej 29 QSHP/NJR. Numri më i madh (n=4.323) është regjistruar në Shkup, ndërsa incidencë më e lartë kumulative (4.317,4/100.000) është regjistruar në territorin e Dibrës (826).

Sa i përket shpërndarjes së rasteve sipas grupmoshave, numri më i madh i të sëmurëve është regjistruar tek personat e grupmoshës që përfshijnë pjesën më të madhe të popullatës (nga 15-64 vjet) - 9.778 raste (56,3%), ndërsa incidencë më e lartë (2.246,1/100.000) tek fëmijët e moshës 0-4 vjet (n=2.168).

Shpërndarja e rasteve me grip/sëmundje të ngjashme me gripin sipas muajve:

- tetor – 195 raste ose 1,1%
- nëntor – 259 raste ose 1,5%
- dhjetor – 570 raste ose 3,3%
- janar – 7.710 raste ose 44,4%
- shkurt (deri më 23.02.2025) 8.641 raste ose 49,7%

Deri më tani janë regjistruar 3 raste të vdekjes si pasojë e gripit.

#### MBIKËQYRJA SENTINEL NDAJ SARI

Mbikëqyrja sentinel zbatohet si mbikëqyrje shitesë e sistemit të rregullt të mbikëqyrjes së gripit dhe COVID-19 në Republikën e Maqedonisë së Veriut, e që ka për qëllim fitimin e informacionit më të detajuar për incidencën, intensitetin, llojin e viruseve që qarkullojnë dhe për zbatimin e masave parandaluese në kohë. Mbikëqyrja sentinel SARI kryhet në 6 spitale mbikëqyrëse, 5 në Shkup (KU e Sëmundjeve Infektive dhe Gjendjeve Febrile, KU për Sëmundjet e Fëmijëve, KU e Alergologjisë dhe Pulmologjisë, SPQ 8 Shtatori dhe KU për Sëmundje Respiratore tek Fëmijët - Kozle) në një në Shtip (SK Shtip). Definicioni për rastet SARI sipas të cilit zbatohet mbikëqyrja është në përputhje me definicionin e rastit të dhënë nga OBSH-ja në vitin 2014.

Nga të gjitha vendet sentinel të cilat marrin pjesë, gjatë javës së tetë janë raportuar gjithsej 771 raste me SARI, me 15 persona në kujdes intenziv. Numri më i madh i rasteve me SARI (n=300; 38,9%) janë raportuar nga Klinika për sëmundje respiratore tek fëmijët - Kozle. Për sa i përket shpërndarjes sipas moshës, numri më i madh i rasteve me SARI (n=374; 48,5%) është regjistruar tek grupmosha 0-4 vjet.

Këtë javë, numri i përgjithshëm i pranimeve në vendet sentinel është 4.919. Nga të gjitha pranimet, 15,7% janë si pasojë e SARI. Ngarkesë më e lartë prej 19,2% është regjistruar tek personat e grupmoshës nga 15-29 vjet.

Janë regjistruar 3 raste të vdekjes në moshë nga 30-78, me komorbiditete dhe të pavaksinuar.

#### MBIKËQYRJA VIROLOGJIKE (rutinore + SARI)

Nga fillimi i sezonit 2024/2025, deri në javën e tetë, në laboratorin e virologjisë në ISHPRMV kanë arritur 786 materiale nga institucionet shëndetësore për testim për viruse respiratore nga mbikëqyrja sentinel dhe SARI.

Të gjitha materialet janë testuar edhe për prani të virusit të gripit, SARS-CoV-2 dhe / ose RSV.

Janë detektuar 209 raste pozitive me grip. (Tabela 1)


Janë regjistruar 10 raste pozitive me SARS-CoV-2 dhe 61 raste me RSV.

Tabela 1. Shpërndarja, numri dhe përqindja e materialeve pozitive nga mbikëqyrja rutinore dhe sentinel sipas origjinës dhe numrit, RMV, 2024/2025

Lloji dhe nënlloji i virusit	Origjina		Sezoni 2024/25	
	rutinor	Sentinel SARI	numri	%
Influenza A	72	73	145	69,4%
Influenza A/H1pdm	13	25	38	26,2%
Influenza A/H3	52	44	96	66,2%
Influenza A – e pasubtipizuar	7	4	11	7,6%

Influenza B	45	19	64	30,6%
Influenza B Victoria	45	19	64	100,0%
Influenza B – linjë e papërcaktuar	0	0	0	0%
SARS-CoV-2	6	4	10	-
RSV	14	47	61	-
RSV-A	9	33	42	67,3%
RSV-B	5	14	19	32,7%

**Grafiku 2.** Shpërndarja javore, numri dhe përqindja e mostrave pozitive të gripit, mbikëqyrja sentinel dhe rutinor, RMV, 2024/2025



#### KOMENT EPIDEMIOLOGJIK

Numri i sëmundjeve të ngjashme me gripin, vazhdon të jetë mbi kufirin javor për aktivitetin sezonal. Rezultatet e mbikëqyrjes virologjike të gripit tregojnë se ka një aktivitet të gjerë të virusit të influencës. Sipas këtyre të dhënave, Maqedonia e Veriut ka intensitet të lartë të virusit të gripit.

#### MASA TË PËRGJITHSHME PËR PARANDALIM

\*Burimi : <https://sezonskigrip.mk/>

Masat e përgjithshme për mbrojtjen nga gripin kanë për qëllim mbrojtjen nga sëmundjet akute të frymëmarrjes dhe nga ato mund të ketë përfitime të mëdha, veçanërisht nëse zbatohen gjatë gjithë periudhës së dimrit:

- Shmangni mbledhjen dhe qëndrimin në dhoma ku qëndrojnë më shumë njerëz, veçanërisht shmangni kontaktin e ngushtë me njerëz të sëmurë ose të dyshimtë – me kollë, teshtimë, temperaturë të lartë të trupit.
- Lani duart shpesh me sapun dhe ujë ose dezinfektues.
- Mjediset e banimit mbani të ngrohura dhe ajrosni ato shpesh.

- Vishuni me veshje të ngrohta me shtresa dhe larje me ujë të ngrohtë.
- Konsumoni pije të ngrohta (çaj dhe supë), lëngje frutash dhe ujë me limon.
- Hani produkte të freskëta të pasura me vitamina dhe minerale, më së miri fruta dhe perime që janë më të mira për trupin. Produktet e pasura me vitaminë C ( limon, portokall) janë ato që rekomandohen më shumë. Nëse produktet ushqimore të freskëta nuk janë gjithmonë në dispozicion, mund të përdoren edhe pije dhe preparate me multivitamina.
- Bëni një stil jete dhe zakonesh të shëndetshme, pushoni dhe fleni irë, ushqehuni shëndetshëm, bëni aktivitetit fizik dhe ruajeni qetësinë mendore dhe reduktoni stresin.

Imuniteti i mirë i trupit do t'ju ndihmojë të qëndroni të shëndetshëm ose të përballeni më lehtë me gripin dhe sëmundjet e ngjashme me gripin. Megjithatë, edhe nëse jeni plotësisht i shëndetshëm dhe keni një sistem të fortë imunitar, prapëseprapë mund të infektoheni me grip ose një sëmundje të ngjashme me gripin.

Çfarë duhet të bëni nëse sëmureni nga gripi?

Ndiqni këto rekomandime:

- Qëndroni në shtëpi dhe mos shkoni në punë, shkollë apo vende ku ka shumë njerëz.
- Pushoni dhe konsumoni shumë lëngje dhe ushqime të lehta.
- Shmangni kontaktin e ngushtë me njerëzit me të cilët jetoni, mos pranoni vizitorë gjatë kohës që jeni të sëmurë.
- Mbuloni hundën dhe gojën me një fasuletë kur kolliteni dhe teshtini. Pas përdorimit, hidheni atë në koshin e plehrave.
- Mbani maskë mbrojtëse kur jeni në kontakt me të afërmit tuaj në shtëpi, kur kolliteni dhe teshtini.
- Praktikoni larjen e shpeshtë dhe të plotë të duarve me ujë të ngrohtë dhe sapun.
- Përdorni peceta të lagura që përmbajnë alkool ose dezinfektues duarsh.
- Shmangni prekjën e syve, hundës dhe gojës me duar.
- Ajrosni shpesh dhomën në të cilën qëndroni gjatë kohës që jeni të sëmurë.
- Mbani mjedisin tuaj të pastër – gjësendet, sipërfaqet me produkte higjienike shtëpiake.

Nëse jeni mbi 65 vjeç ose keni sëmundje kronike, ose nëse simptomat e sëmundjes përkeqësohen ose zgjasin për disa ditë - kërkoni ndihmë nga mjeku.

### VAKSINIMI KUNDËR GRIPIT SEZONAL

Vaksinimi kundër gripit është mbrojtja më e mirë nga kjo sëmundje, prandaj Instituti i shëndetit publik e rekomandon atë për të gjithë popullatën, sidomos për personat që përjasin në grupet vullnerable (sipas rekomandimeve të OBSH-së):

- Personat e moshuar (mbi 65 vjet)
- Fëmijët në moshë nga 6 deri në 59 muaj
- Personat mbi 6 muaj e me sëmundje kronike
- Gratë shtatzëna dhe
- Punonjësit shëndetësorë.

Për sezonin 2024/2025, Ministria e shëndetësisë siguroi 70 000 doza të vaksinë katërvalente falas për këto kategori të popullatës. 10.000 doza doza shtesë të vaksinës katër valente janë siguruar përmes donacionit nga PIVI (Partnership for Influenza Vaccine Introduction).

Vaksinimi kundër gripit për sezonin 2024/2025 filloi në 21.10.2024 dhe zbatohet në Shtëpitë e shëndetit dhe/ose Qendrat e shëndetit publik me Njësitë e tyre rajonale. Caktimi i termineve për vaksinat falas bëhet nëpërmjet uebfaqes [www.vaksinacija.mk](http://www.vaksinacija.mk).

Sipas Drejtorisë për Shëndetësi Elektronike nga fillimi i vaksinimit e deri në mbylljen e këtij raporti gjithsej janë vaksinuar 70.375 persona që bëjnë pjesë në kategoritë e grupeve të cënueshme të popullatës.

2.600 vakcina komerciale shtesë janë siguruar nga ana e Qendrave të shëndetit publik si vakcina për pjesën tjetër të popullatës dhe ato mund të merren për një kompensim financiar të caktuar në Qendrat e shëndetit publik dhe Njësitë e tyre rajonale.

Sa i përket vaksinave komerciale, deri më tani janë vaksinuar 1.918 persona.

Në Republikën e Maqedonisë së Veriut janë vaksinuar gjithsej 72.293 persona me vakcina falas dhe komerciale.

#### RAJONI EVROPIAN

\*Burimi: <https://erviss.org/>

Raporti për gjendjen me gripin në Rajonin Evropian për javën e shtatë të vitit 2025 tregon se aktiviteti i virusit të gripit në Rajonin Evropian të OBSH-së:

- Shkalla e morbiditetit të gripit (ILI) dhe /ose infeksioneve respiratore akute është rritur mbi nivelet bazë në 29 nga 33 vende të rajonit evropian të OBSH-së.
- Edhe pse ka variacione në vende të ndryshme, numri i rasteve pozitive mbetet i lartë. Është rritur edhe përqindja e rasteve pozitive me grip nga SARI. Të moshuarit përbëjnë numrin më të madh të të prekurve. Rritje ka shënuar edhe numri i hospitalizimeve si pasojë e gripit. Influenza B po shënon një rritje në rajon.
- Pozitiviteti i RSV mbetet mesatar në nivel rajonal.
- Aktiviteti i SARS-CoV-2 mbetet i ulët në të gjithë rajonin, me variacione të caktuara në disa vende.
- Detektimet e vërtetuara të infektiveve me virusin e gripit nga ISHP sentinel gjatë javës së kaluar ishin Influenza A (50%) dhe Influenza B (50%).
- Në rajon,nga mostrat e pacientëve të mbikëqyrjes ndaj SARI:
  - Përqindja e detektimit të virusit të gripit është 31% krahasuar me 32% që ishte gjatë javës së kaluar. Aktiviteti mesatar ishte 26% (shtrirja: 0-91%).
    - Detektimet e vërtetuara të infeksioneve me virusin e gripit nga SARI sentinel për javën e kaluar ishin Influenza A (69%) - A(H1)pdm09 (65%) dhe A(H3) (35%).
  - Pozitiviteti i SARS-CoV-2 ishte 1% krahasuar me 1% që ishte gjatë javës së kaluar. Aktiviteti mesatar ishte 0% (shtrirja: 0-4%).
  - Pozitiviteti i RSV është 8% krahasuar me 10% që ishte gjatë javës së kaluar. Aktiviteti mesatar ishte 6% (shtrirja: 0-14%).

Nga 36 vende të cilat raportojnë për intensitetin e gripit: 28 kanë raportuar për intensitet mesatar dhe të lartë.

Nga 36 vende të cilat raportojnë për shpërndarjen gjeografike të gripit: 33 kanë raportuar për shpërndarje të gjerë të virusit të gripit.

Departamenti i epidemiologjisë të sëmundjeve ngjitëse  
Instituti i Shëndetit Publik